



Broj poziva: JP-4/26

Mjesto i datum: Sarajevo, 03. mart 2026. godine

Vijeće mladih Federacije Bosne i Hercegovine u skladu sa Statutom i propisanim internim pravilima i procedurama organizacije, objavljuje

JAVNI POZIV

za prijavu u bazu trenera i mentora Vijeća mladih Federacije BiH

Vijeće mladih Federacije BiH je krovna organizacija za mlade, prepoznata i uspostavljena u skladu sa Zakonom o mladima Federacije BiH. Od svog osnivanja aktivno djeluje u oblastima rada sa mladima, javnog zagovaranja, omladinskih politika, osnaživanja mladih i unapređenja omladinskog organizovanja u Federaciji Bosne i Hercegovine.

Pozadina poziva

Vijeće mladih Federacije BiH kroz svoje programe, projekte i inicijative organizuje različite aktivnosti usmjerene na jačanje kapaciteta mladih, omladinskih organizacija, omladinskih centara i drugih aktera omladinskog sektora. Te aktivnosti obuhvataju neformalno obrazovanje, mentorstvo, stručne konsultacije, facilitatorski i savjetodavni rad, razvoj programskih sadržaja, kao i izradu analiza, istraživanja i drugih stručnih materijala relevantnih za položaj i učešće mladih u društvu.

S ciljem osiguranja kontinuirane saradnje sa kvalifikovanim i iskusnim stručnjacima iz različitih oblasti, Vijeće mladih Federacije BiH uspostavlja i vodi bazu trenera i mentora kao interni mehanizam za identifikaciju i angažman osoba koje, u skladu sa svojim kompetencijama, mogu biti uključene u realizaciju edukativnih, mentorskih, savjetodavnih, istraživačkih i drugih stručnih angažmana u okviru rada Vijeća mladih FBiH.

Baza trenera i mentora predstavlja otvoren i ažurirajući okvir saradnje, a Vijeće mladih Federacije BiH će najmanje jednom u toku kalendarske godine objaviti javni poziv radi njene dopune, proširenja i redovnog ažuriranja, u skladu sa programskim i organizacijskim potrebama.

Oblasti angažmana članova i članica baze

U bazu trenera i mentora mogu se prijaviti osobe sa relevantnim iskustvom, obrazovanjem, stručnim znanjem i profesionalnom ekspertizom u jednoj ili više oblasti od značaja za rad Vijeća mladih Federacije BiH.

U zavisnosti od potreba konkretnih programa i aktivnosti, članovi i članice baze mogu biti



angažovani/e za:

- pripremu i vođenje treninga, radionica, edukacija, konsultacija i drugih oblika neformalnog obrazovanja;
- pružanje individualnog ili grupnog mentorstva mladima, omladinskim organizacijama i prostorima za mlade;
- facilitatorski i savjetodavni angažman u procesima rada sa mladima i akterima omladinskog sektora;
- stručnu podršku u osmišljavanju i razvoju inicijativa i zagovaračkih aktivnosti;
- stručnu podršku u organizacijskom razvoju i jačanju kapaciteta omladinskih organizacija, prostora za mlade i drugih relevantnih aktera, te
- izradu analiza, istraživanja, stručnih osvrta, procjena, preporuka i drugih sadržaja koji doprinose razvoju omladinskih politika i programa.

Poseban interes postoji za angažman osoba koje imaju znanje i iskustvo u sljedećim i srodnim oblastima:

- lokalni i omladinski aktivizam;
- politički sistem Bosne i Hercegovine;
- politički sistem Evropske unije;
- omladinske politike u Bosni i Hercegovini;
- omladinske politike u praksi Evropske unije, Ujedinjenih nacija i Vijeća Evrope;
- mediji i komunikacijske vještine;
- rad s mladima;
- zagovaranje;
- analize i istraživanja;
- mir i sigurnost;
- participacija i uključivanje mladih;
- inovacije i kreativno djelovanje;
- zapošljavanje mladih;
- finansijsko i administrativno upravljanje u neprofitnom sektoru;
- razvoj programskog ciklusa i upravljanje projektima u neprofitnom sektoru;
- socijalno preduzetništvo i
- prikupljanje sredstava i održivost.

Angažman članova i članica baze

Članovi i članice baze imaju mogućnost angažmana u okviru programa, projekata i drugih aktivnosti koje realizuje Vijeće mladih Federacije BiH, u skladu sa potrebama organizacije, prirodom konkretnog zadatka, raspoloživim finansijskim sredstvima, stručnim profilom kandidata i kandidatkinja, te njihovom raspoloživošću.

Angažman članova i članica baze može uključivati edukativni rad, mentorstvo, facilitatorski i savjetodavni angažman u radu sa mladima i akterima omladinskog sektora, stručnu podršku u osmišljavanju i razvoju inicijativa i zagovaračkih aktivnosti, stručnu podršku u



organizacijskom razvoju i jačanju kapaciteta omladinskih organizacija, omladinskih centara, prostora za mlade i drugih relevantnih aktera, kao i izradu analiza, istraživanja i drugih stručnih sadržaja.

Za angažmane za koje bude predviđena naknada, ista će biti definisana u skladu sa vrstom, obimom i trajanjem angažmana, kao i internim pravilima i raspoloživim budžetima Vijeća mladih FBiH.

Kriteriji za prijavu

Pravo prijave imaju osobe koje ispunjavaju sljedeće opće uslove:

- imaju relevantno iskustvo u oblastima navedenim u ovom pozivu;
- posjeduju odgovarajuće obrazovanje, stručna znanja ili profesionalnu ekspertizu iz povezanih područja;
- imaju sposobnost samostalnog i odgovornog rada u skladu sa potrebama različitih programa i ciljnih grupa i
- dijele vrijednosti rada sa mladima i doprinose razvoju omladinskog sektora.

Prednost će imati kandidati i kandidatkinje koji/e imaju prethodno iskustvo u provedbi edukativnih procesa, mentorstvu, facilitatorskom radu, saradnji sa omladinskim organizacijama i centrima za mlade, kao i iskustvo u izradi analiza, istraživanja, preporuka i drugih stručnih materijala.

Potrebna dokumentacija

Prijava treba sadržavati:

- kratku biografiju (CV);
- pregled relevantnog iskustva u oblastima za koje se kandidat ili kandidatkinja prijavljuje;
- dokaze o iskustvu, ukoliko su dostupni, kao što su preporuke, sertifikati, reference, objavljeni radovi, primjeri angažmana ili drugi relevantni dokazi i
- druge informacije koje mogu biti od značaja za procjenu stručnih kompetencija kandidata ili kandidatkinje.

Napomena za ranije prijavljene kandidate i kandidatkinje

Kandidati i kandidatkinje koji/e su se prijavili/e u prethodnim ciklusima i o tome zaprimili/e povratnu informaciju od strane Vijeća mladih Federacije BiH, nisu obavezni/e ponovo podnositi prijavu, osim u slučaju da žele ažurirati ili dopuniti ranije dostavljene podatke, uključujući nove certifikate, reference, iskustvo, oblasti ekspertize ili informacije o raspoloživosti.

Ostali zainteresovani kandidati i kandidatkinje, uključujući osobe koje ranije nisu zaprimile



povratnu informaciju ili se ranije nisu prijavljivale, mogu dostaviti prijavu u okviru aktuelnog poziva.

Način prijave i ažuriranje baze

Zainteresovani kandidati i kandidatkinje prijavu sa odgovarajućom dokumentacijom dostavljaju **do 27.04.2026. godine do 23:59 sati** putem **prijavnog obrasca**.

Baza trenera i mentora vodi se kao otvorena i ažurirajuća baza, bez unaprijed određenog roka trajanja. Vijeće mladih Federacije BiH će najmanje jednom godišnje objaviti javni poziv za prijavu radi njene dopune, proširenja i ažuriranja, a po potrebi može izvršiti i dodatne cikluse prijema prijava.

Vijeće mladih Federacije BiH zadržava pravo da u procesu procjene prijava zatraži dodatna pojašnjenja, dokumentaciju, razgovor sa kandidatima i kandidatkinjama ili druge informacije relevantne za procjenu kompetencija.

Nakon završetka razmatranja prijava Vijeće mladih Federacije BiH obavijestit će o upisu u bazu kandidate i kandidatkinje koji/e prema odluci Komisije ispune propisane kriterije.

Završne napomene

Dostavljeni podaci koristit će se isključivo za potrebe vođenja baze trenera i mentora, procjene prijava i eventualnog budućeg angažmana u okviru aktivnosti Vijeća mladih Federacije BiH.

Prijavom na javni poziv kandidati i kandidatkinje potvrđuju tačnost dostavljenih informacija i saglasnost da njihovi podaci budu obrađivani u navedene svrhe, u skladu sa važećim propisima i internim procedurama organizacije.

Eventualna pitanja mogu se postaviti putem e-maila na adresu: hana.kunic@vijecemladih.ba ili telefonom na broj: 033/204-104. Sve informacije o Vijeću mladih Federacije BiH mogu se naći na www.vijecemladih.ba.

Izrazi koji su radi preglednosti dati u jednom gramatičkom rodu u dokumentu bez diskriminacije se odnose jednako na osobe svih rodova.